

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126133](#)

mittebat, qui ex utroque nascendus esset,
Id creditur Abraham, Rom. 4. vers. 20.

21.22.

Ita & Christus Servator noster promis-
sus mundi Messias est, de quo Deus Pro-
toplastis jami tum in Paradiso prædixit,
qui ex virginie in plenitudine temporis præ-
ter naturam nascetur, Luc. 1. v. 34. 35. hoc
miraculum majus est, quam quod Isaac ex
matre sene & effeta natus, & tamen u-
trumque à Deo est, qui vocat ea quæ non
sunt, tanquam ea, quæ sunt, Rom. 4. v.
17. & potens est omnia facere superab-
undanter, quam petimus, aut intelligimus
Eph. 3. v. 20.

2. *Ratione exultationis.* Risum mihi fecit
Deus, inquit Sara, & quicunque audierit
conridebit mihi, Gen. 21. v. 6.

Ita gaudium ortum est in celo & in ter-
ra, quando Christus natus fuit. Luc. 2.
v. 14.

3. *Ratione contradictionis.* Quemadmo-
dum enim derisor Ismaël risum Saræ lu-
dibrio exponebat, despiciens Isaacum &
promissionem Dei ei factam: Ita & ante &
post nativitatem Christi duo hominum
genera se obtulerunt, qui fideli & infideli
risu hunc gloriae Dominum excepterunt, &
partim tum anima, tum corpore ei se man-
ciperunt, partim vero in eo offenderunt &
in Barathru infernalem præcipitati sunt, sic-
ut audimus, sené Simeonē de eo vaticinatu
in prælecta Pericope, quando ille parenti-
bus ejus benedixit, & in specie ad Mariam
auit: Ecce, positus hic est in ruinam, & in re-
surrectionem multorum in Israël, & in signum
cui contradicitur. Hæc particula est,
de insidiis, qua antiquissile serpens calca-

neo ejus insidiatus est, quia caput ejus con-
trivit, Gen. 3. v. 15.

Videbimus nos pro instituti ratione

I. *Triplacem Querelam.*

II. *Triplacem Medelam.*

III. *Triplacem Cauelam.*

JJ.

Exegesis.

Cum Imperator Augustus, cuius in
Evangelio Christi natalicio mentio
fit, in mundum hunc natus esset, parens e-
jus Octavius serius aliquanto curiam ac-
cedebat, hoc ipso excusans se, quod uxor
ejus filium sibi peperisset, quod moram si-
bi injecisset. Continuo Publius Nigrinus è
positu astrorum genesin ejus delineavit, &
Dominum terrarum toti orbi natura esse,
pronunciavit, Suetonio teste.

Quamvis igitur Augustus ad amplissi-
mas dignitates electus fuerit, attamen toti
orbis non imperavit, sed hoc Messiae reser-
vatum est, sub Augusto nascituro. Huic e-
nim Pater ejus cœlestis gentes hæreditates
dedit, & possessionem terminos terræ, Ps.
2. v. 8. ut dominaretur à mari usque ad ma-
re, & à flumine usque ad terminos orbis
terrarum, Psal. 72. v. 8. in medio inimico-
rum, Psal. 110. v. 2. sicut propterea Rex Re-
gum & Dominus Dominantium dicitur,
Apoc. 19. v. 16.

Ad hoc prædestinatus fuit, non per a-
stra, sed ab æterno, priusquam astra crea-
ta fuerunt, ideo acquiescimus nos in va-
ticiniis Prophetarum, qui scrutati sunt,
in quod vel quale tempus significaret in
eis spiritus Christi, prænuncians eas, quæ

f 2 sunt

Dominica post Nativitatem Christi.

44

qua sunt in Christo passiones, & posteriores glorias, 1. Petr. i. v. 10. II.

In praelecto Evangelio Senex Simeon exsurgit, qui & ipse spiritu Prophetico præditus fuit, & significat parentibus Christi prædictionem Eliae, de lapide offensionis, petra scandali, in eo impletum iri, Esa. 8. v. 14. inquiens: Ecce! positus hic est in ruinam, & in resurrectionem multorum Israel, & in signum cui contradicitur, ut pluribus porro audiemus.

Querela erit, si considereretur

1. *Lapidis vivi abusus*, quem Deus tanquam cœlestis Architectus, lapidem angularem, probatum, cœlum, pretiosum posuit, lapis vero offendiculi & petra scandali factus est, ad quem multi offenderunt & adhuc offendunt, non sua culpa, est enim per se pretiosus adjutorii lapis, 1. Sam. 7. v. 12. qui omnium mortalium salutem exoptat, & quantum in se est, procurat: verum inde, quod multi lapidem hunc despiciunt, nec vera fide excipiunt, neque per eum resurgere volunt, 2. Thess. 2. v. 10. II.

Offendunt igitur ad hunc lapidem

1. *Oculi caliginosi*, qui palpant sicut cœci parietem, & quasi absque oculis atrectant, Esa. 59. v. 10.

Hoc inde est, quia tenebras magis diligunt, quam lucem, Joh. 3. v. 19. qui igitur in tenebris ambulat, nescit, quo vadat, Joh. 12. 35. sed facile offendere & in foveam cadere potest, Luc. 6. v. 3. idem illis evenit, qui verbum Dei despiciunt, quod est lucerna pedibus nostris, & lumen semitis nostris, Psal. 119. v. 105. ut in devia aberrent, & in lacum incident, in quo non est aqua, Zach.

9. v. 11. ex quo nulla unquam redemptio. Psal. 49. v. 15.

2. *Oculi ambitiosi*. Qui semper plus ultra meditantur, exemplo Nebucadnezaris, Esa. 14. v. 14.

Sicut igitur homines, qui semper suspiciunt, facile titubare & cadere possunt: Ita etiam Deus Spiritus ambitiosos punit, & oculos superborum humiliat, Psal. 18. v. 28. ut non modo impingant, sed & plane conterantur ab hoc lapide, ut in Nebucadnezare videre est, Dan. 4. v. 30.

3. *Oculi curiosi*, qui aliena curant, sua negligunt. Ita Saul Samuëlis munus affectabat, dum immolabat, 1. Sam. 15. v. 15. Abiolon Patris Regnum invadebat, Regen se constiturus, 2. Sam. 15. v. 10. Usias adolere volebat incensum super altare Thymiamatis, quod ipsis minus conveniebat, 2. Chron. 26. v. 16. omnibus tribus id male cessit, ut dictis locis videre est. Hinc Siracides, cap. 3. v. 24. 25.

Hac in parte adhuc multi hodienum peccant, ubi cum Davide dicendum esset: Oculi mei semper ad Dominum, Psal. 25. v. 15. respiciunt cisternas, cisternas dissipatas, qua continete non valent aquas, verum fontem aquæ vivæ derelinquent, Jer. 2. v. 13.

Alii omnia ad rationis stateram appendunt, nihil credituri, nisi cum ratione consentiat. Alii in ipsum cœlum adscendere, & Dei secreta scrutari fatigunt. Hic omnes graviter impingunt, & fidei naufragium faciunt. Beati qui non vident, & credunt, Joh. 10. v. 29.

2. Con-

II. Contradictionum pelagus. Hic enim, inquit Simeon, ponitur in signum cui contradicetur.

Multa & varia signa in mundo occur-
runt. Nonnulla apparent in cœlo & in ter-
râ in admonitionem nostram, ut beneficio
eorum ad frugem redeamus, & cognosca-
mus, diem ultimum non longè abesse, ut
Christus ipse eò nos relegat, Luc. 21. v. 25.
Quædam verò Deus ideo ordinat, ut de
gratiâ & veritate ejus certiores reddamur,
sicut itidem in nubibus posuit, in signum,
quod ulterius mundum diluvio perdere
nolit, Gen. 9. v. 13. Ejusmodi signum Gi-
deoni quoque dedit, Jud. 6. v. 37. seqq.

Alias milites signum suum habent, quod
est vexillum, quod sequi coguntur, si femel
Sacramento se ad illud obstrinxerint, ex-
emplo sit Urias, 2. Sam. 11. v. 11.

Viatores habent signum suum, quod
obseruent necesse est, nisi à recto calle ab-
errare velint, sicut Deus Israelitis olim in
columna nubis & ignis prævivit, Exod. 13.
v. 21.

Sagittarii habent signum sive metu su-
am, ad quam collineare coguntur, si bra-
beium assequi velint, sicut olim in Tribu
Benjamin septingenti viti fortissimi inventi
fuerunt, qui sinistrâ manu pro dexterâ u-
tentis, sic fundis lapides ad certum jece-
runt, ut capillum quoque possent percu-
tere, Jud. 20. v. 16.

Christum si spectemus, ille 1. *Signum
divina potestia est.* Citrà enim contro-
versiam magnum est pietatis mysterium,
Deus manifestatus est in carne, 1. Tim. 3.
v. 16. Mirabile nomen est Jesuli recens na-
ti, Jud. 13. v. 18. Mirabilis persona, ejus Ver-
bum enim caro factum est, quis hoc un-

quam audivit? Joh. 1. v. 14. mirabilis ejus
scientia, Psal. 139. v. 6. mirabile ejus Evan-
gelium, quod occulta sapientia, Psal. 51.
v. 8. & admirabile lumen vocatur, 1. Petr. 2.
v. 9. sic & mirabilem habet justitiam, ju-
xta quam nos, justos & sanctos reputat,
non ex operibus justitiae, quæ fecimus, Tit.
3. v. 3. sed ex indebita misericordia & gra-
tiâ, ratione plenissimæ propitiationis,
quam pro peccatis totius mundi præstitit,
1. Joh. 2. v. 2.

Id Judæis scandalum & Ethnicis stulti-
tia est, 1. Cor. 1. v. 23. unde doctrina Chri-
stiana secta dicitur, cui ubique contradici-
tur, Act. 28. v. 22.

2. *Signum necessaria pœnitentia.* Hæc enim
prima ejus vox erat: Pœnitentiam agite
& credite Evangelio, Marc. 1. v. 15. qui igit
nomen Christi nominat, ab omnini-
quitate discedat, alias Regnum cœlorum
ingredi nequit, 2. Tim. 2. v. 19.

Id verò Filii hujus seculi non faciunt,
sed illudunt peccatum, Prov. 14. v. 9. di-
centes cum auditoribus Jeremiæ: Sermo-
nem, quem locutus es ad nos, in nomine
Domini, non audiemus ex te &c. Jer. 44.
v. 16. & seqq.

3. *Signum divina clementia.* Sicut enim
Moses exaltavit serpentem in deserto &c.
Joh. 3. v. 14. 15.

Hic iterum mundus contradicere amat.
Judæi dicunt: qui ille juvaret nos, qui se-
ipsum juvare non potuit? Matth. 27. v. 42.
Lucianus ethicus ille sycophanta Chri-
stum suspensum Sophistam vocat. Averro-
ës scribit se malle infamem quām Christia-
num esse. Hiinimici crucis Christi sunt,
quorum finis interitus est, Phil. 3. v. 19.
Nec hoc modò: sed & in exilium aguntur

Christiani, & propelluntur de civitate in civitatem, sicut Apostolis id contigit. In primis vero hoc tempore postremo negotiosus est Sathanas, quia scit, quod modicum tempus habet, Apoc. 12 v. 12.

Genuini Christiani minus hoc ipso offenduntur; sed potius, quae de Iesu recens nato audiunt, pie credant, & in corde sincero conservent. Suo tempore emolumentum sentient, quando semen verbi divini in cordibus eorum radicabitur & fructum feret, Luc. 8. v. 15. juxta illud Esa. 55. v. 10. II.

III. *Afflictionis gladius.* De quo Simeon B. Mariæ prædictit, quod ejus animam pertransitus sit. Hoc ipso notat persecutio nem Domini, quomodo Judæi ipsum odio, invidentiâ, calumniis persecuti & tandem in crucem aëtati & occisi sunt, id ait Simeon, animam B. Virginis, instar gladii ancipitis vulneraturum esse, propterè ipsam non nimium lætitia efferi debere, nec vaticinia Prophetarum, quibus de hoc puerulo speciosa prædicantur, quomodo Reges terræ & omnes gentes ipsum adoraturi sint, terreno modo, de mundana gloriâ intelligere: non enim defuturas ipsi tribulationes, quin tantis eam mœroribus, & angoribus animi immersum iti, ratione Filii lui, ut gladius quasi animam ejus pertransitus videatur: sicut & David ait: Tanquam gladius in ossibus meis, Psalm. 42. v. II.

Hic Maria idea Ecclesiæ est, quæ mater omnium nostrum dicitur, Gal. 4. v. 26. & ab exordio mundi, potissimum post ascensionem Domini, crudelissimas persecutions ab Imperatoribus Ethnicis, & postea à Nestorianis, Arianis, & Eutychianis.

nis, nec non ab Antichristo sustinuit, sanguine Christianorum velut aquâ effusò, Psal. 79. v. 3. hinc de meretrice Babylonica dicitur, quod ebria facta fuerit, de sanguine Martyrum Jesu, Apoc. 17. v. 6. Sicut enim Christus sponsus sanguinum est, Exod. 4. v. 25. ita vult ut Christiani crucem ejus tollant & se sequantur, Matth. 16. v. 24. Esa. 8. v. 18.

Similiter & Johanni magnum signum apparuit, in muliere Sole amictâ, & corona duodecim stellarum in capite ornatâ. Hæc Ecclesia est, quam serpens antiquus usque in desertum persequitur, mittens aquam, tanquam flumen ex ore suo, ut eam faciat trahi à flumine, Apoc. 12. v. 1. 12. Præcipue verò Ecclesiæ ministros in acie stare & cum Jeremia queri oportet: Posuitime, quasi signum ad sagittam, Thren. 3. v. 12. Confer, t. Cor. 4. v. 9. seqq. Hoc hodiè adhuc omnibus accidit, qui munus suum fideleri obeunt. Non enim est conventio Christo ad Belial, 2. Cor. 6. v. 15.

Sed & hæc consolatio annexa est, quod hoc ipso ex multorum cordibus cogitationes revelentur. Id B. Taulerus eleganter exposuit. Nam ubi crux, inquit, ibi lux: non modò ita, ut vexatio det intellectum, Esa. 28. v. 19. sed & lux oritur in Ecclesiâ, ubi manifestum fit, quis probatus sit, vel minus, t. Cor. 11. v. 29.

De Secundo.

E Gimus de Querelâ, sequitur Medela, quæ fluit.

I. *Ex rivulo benedictionis Ecclesiastice:* quæ hic à Sacerdote Simeone B. Mariæ, ejusq; Filiolo